


2133

241
P-82

6051



ГЧ-131а

Буди.

нр.

ԻՆՉ ՈՐ ՄԱՐԴ ՍԵՐՄԵ,

241

թ-82



Գաղ. Զ. 7—8.

ԱՅՆ ԷԼ ԿՇՆՁԵ.

Что посъешь, то и пожнешь.

Посл. къ Галат. 6,7—8.

(проповѣдь)

Издание пастора О. Торосьянцъ, Баку.

БАКУ,

Типографія А. Н. Тараева и Л. Д. Мирзаянцъ.
1909

• 200,




ԻՆՉ ՈՐ ՄԱՐԴ ՍԵՐՄԷ, ԱՅՆ ԷԼ ԿՇՆՁԵ:

Գաղ. Զ—8. Մի խաբուիք, Աստուած չի ծաղրուիք. Որովհետև Ինչ որ մարդ սերմէ, այն էլ կ'հնձէ. Իր մարմնի մէջ սերմողը մարմնիցն ապականութիւն կ'հնձէ, և չոգու մէջ սերմողը չոգուցն յաւիտենական կեանք կ'հնձէ:

«Ինչ որ մարդ սերմէ, այն էլ կ'հնձէ». սա բնութեան մէջ մի հաստատ և անխախտելի օրէնք է: Երբէք չի կարելի ցորեն ցանել և գարի հնձել, կամ գարի ցանել և ցորեն հնձել: Այդ նոյն օրէնքը Եշխում է նոյնպէս հոգեոր կեանքի մէջ. մեր ամբողջ կեանքն երկրիս վրա նըման է մի սերմուռղ գաշտի, որը պիտի հասունանայ յաւիտենականութեան համար և հնձուի մահուան ժամանակ: Ինչպէս որ երկրաւոր կեանքդ է եղել, այնպէս էլ անպատճառ կ'լինի նրա յաւիտենական վարձը. սորա համար էլ առաքեալը ասում է. «Իր մարմնի մէջ սերմողը մարմնիցն ապականութիւն կ'հնձէ և չոգու մէջ սերմողը չոգուցն յաւիտենական կեանք կ'հնձէ»:

Սովորապէս երկրագործը մինչեւ սերմը հողին յանձնելը՝ հողը լաւ մշակում և պարարտացնում է և ապա ընտիր սերմը ցանում. նա յանձն է առնում ամեննեղութիւն և աշխատանք,

ԿԿ821-ս.հ.



29506-63

որպէս զի արտը լաւ պտուղ տայ և իր աշխատանքը տամասապատիկ կտմ հարիւրապատիկ վարձատրուի: Այդպիսի մեծ խնամքի և հոգացողութեան է արժանանում մի արտ, որ աշխանը կամ գարնանը սերմվում է ու ամառը հնձվում և միւս տարի նորից նոր աշխատանք և նոր հոգացողութիւն պահանջում. ապա ուրեմն, որքան աւել պէտք է հոգալ մեր ժամանակաւոր կեանքի արտի համար, որի պառազները պիտի ստանանք և վայելենք յաւիտեան: Շատերը մեզնից այնպիսի կեանք են վարում ու իրանց ժամանակաւոր բարեկեցութեան համար այնպիսի զգուելի միջոցների դիմում, կարծես թէ միենոյն բանն լինի. սրտութիւնը և ճշմարտութիւնը, մեզն ու արդարութիւնը, չարն ու բարին: Ոմանց կեանքի նշանաբանը՝ ուտել, խըմել և զուարձանալն է: Նոյն հասկացողութիւնը ունէին նոյնպէս գաղատացիներից ոմանք կեանքի մասին, սորա համար էլ առաքեալը զգուշացնում է նրանց ասելով՝ «Մի խաբուիք, Աստուած չի ծաղրուիլ»:

Գուցէ մեր մէջ չ'գտնուին այնպիսիները, որոնք ուրանային Գաղատացիների նման գատաստանը և յաւիտենականութիւնը, բայց և այնպէս մեզնից շատերը իրանց անհոգութեամբ և անտարբերութեամբ կեանքի ընթացքում ուրանում են այդ ամենը. նրանք այնպէս են վարվում իրանց ժամանակի հետ, այնպէս գործ դնում իրանց ընդունակութիւններն ու ուժերը, որ կարծես թէ այդ սերմելուն երբէք հունձ չպիտի հետեւ. կարծես չ'կայ մի ամենատես աչք, որ գիտում է մեր ամեն գործերը և մինչև մեր սրտերի խորքերը թափանցում. կարծես չ'կայ մի դատաւոր, որի ատեանի առջև մենք ամենքս մի անգամ պիտի կանգնենք:

Աշխարհը սովորապէս գովում է այն մարդկանց, որոնք օգագում են ամեն մի հանգամանքից՝ առանց միջոցների մէջ խարութիւն դնելու, իրանց համար հարստութիւն ու գիրք են ձեռք բերում և իրանց մարմնի ու աչքի ցանկութիւններին բաւականութիւն տալիս:

Բայց միթէ սա պիտի լինի, քրիստոնեայ ընթերցող, նոյնպէս քո կշու չափը և քո կեանքիդ նպատակը: Ոչ, երբէք: Առաքեալը ասում է. «Մի խաբուիք, Աստուած չի ծաղրուիլ, որովհետեւ ինչ որ մարդս սերմէ, այն էլ կը հնձէ. իր մարմնի մէջ սերմողն, մարմնիցն ապականութիւն կ'հնձէ», ուրիշ կերպ չի կարող լինել, ինչպէս կեանքդ է եղել, այնպէս էլ անպատճառ հատուցումը պիտի լինի. ուստի զգաստացիր քանի գեռ քեզ համար չի վերջացել սերմելու ժամանակը: Լոիր Տիրոջ ձայնը, որը քեզ իւր խօսքի միջոցով ապաշխարութեան է հրաւիրում: Գուցէ զու հանգատացնում ես քեզ ասելով՝ թէ ես հոգու մէջ ես սերմում եմ. աղօթք եմ անում, Աստուծոյ խօսքը կարգում, եկեղեցի գնում, հաղորդութեան սեղանին մօտենում: Բայց լաւ զիտացիր, եթէ քո աստուածպաշտութիւնդ միայն որոշ ժամանակների և որոշ հանգամանքների հետ է կապուած, եթէ զու որոշ գէպքերում ըստ կարեորութեան քո բարեպաշտութեան շապիկը հանում կամ հազնում ես, նայելով՝ որն է քեզ աւելի ձեռնտու, այդ գէպքում ոչ քո աղօթքը, ոչ քո Սուրբ Գիրք կարգալը, ոչ քո եկեղեցի գնալը և ոչ էլ քո հաղորդութեան սեղանին մօտենալը Աստուծոյ առաջ մի որևէ արժէք չի ունենայ և քո այդ ըստ երեսյթին լաւ սերմերից մի սարսափելի հունձ կը տուածնայ քեզ համար, «որովհետեւ Աստուած չի ծաղրուիլ»: Այդ արտաքին բարեպաշտութեամբդ դու կարող ես ինքդ քեզ խաբել և հանգատացնել, բայց Աստուծուն երբէք, հէնց սորա համար էլ առաքեալը զգուշացնում է ասելով՝ «մի խաբուիք», այսինքն մի կարծէք, որ Աստուած կեղծ բարեպաշտութիւնը ճշմարտի աեղ կընդունէ, որ նա արտաքին գեղեցիկ երեսյթի տակ չի նկատիլ ներքին ծածուկ, զգուելի նպատակները և շարժառիթները: Մեր ամեն մի խօսքը, գործը՝ այս ամեն մի միտքն էլ այնպիսի սերմեր են, որոնցից մենք յաւիտենականութեան մէջ անպատճառ պիտի հնձենք: Մեր կեանքի ամեն մի ժամն ու բոպէն սերմելու ժամանակ է մեզ համար և

մենք գիտակցաբար թէ անգիտակցաբար ամեն մի վայր կեան սերմում ենք կամ մարմի մէջ, որպէսզի մարմից ապականութիւն հնձնենք, կամ էլ չողոյ մէջ, որպէսզի չոգուց յաւիտենական կեանք հնձնենք. մենք չխարթուինք, Աստուած չի ծաղրուիլ երբէք. չկարծենք բնաւ, որ մենք որսմ ցանելով ցորեն կ'հնձնենք: Եթէ մենք միշտ այդ ի նկատի ունենայինք մեծ զգուշութիւն գործ կդնէինք մեր կեանքի, գործերի, խօսքերի և մտքերի մէջ: Եթէ մենք մտածէինք թէ մեր կենաքի ամեն մի օրուայ կամ ժամուայ ընթացքում ինչքան բարիք կամ չարիք կարող ենք պատրաստել մեր յաւիտենական կեանքի համար, անկառ կած մենք անտարբերութեամբ չէինք վատնել մեր կեանքի մինչև անդամ մի բոպէն էլ:

Յաւալին սա է, որ մարդու ոչ միայն ինքն իր համար է լաւ կամ վատ հնձի պատճառ դառնում, այլև ուրիշների համար էլ: Ամեն մարդ ունի իր շրջանը, ուր նա գործում է, որի հետ նա միշտ շփում է և այդպիսով ամեն մէկը իր շրջանի համար իր կեանքով ու գործով լաւ կամ վատ օրինակ դառնում, նրա օրհնութեան կամ էլ նրա գայթակղութեան պատճառ լինում: Առաւել մեծ նշանակութիւն է ունենում ծնողի կեանքը և օրինակը իր զաւակների համար: Ամեն մի խօսք, որ մեր զաւակները լսում են մեղնից, ամեն մի գործ, որ նրանք աեսնում են մեղ գործելիս, շատ շուտով սովորում են և նոյնպէս իրանք էլ գործ դնում և այդպիսով մենք նրանց քնքոյց սրտերի մէջ սերմի հատիկներ ենք ձգում, որոնցից ժամանակի ընթացքում կամ յաւիտենական կեանքի կամ էլ յաւիտենական մահուան հունդ պիտի հասունանայ նրանց համար:

Շատ ծնողներ դժգոհ իրանց զաւակների վարք ու բարքից ժամանակի հոգին են մեղադրում, բայց մոռանում են, որ հէնց իրանք են եղել զաւակների այդ տեսակ կեանքի ու վարքի պատճառը և օրինակը: Շատ զաւակներ աեսնում իրանց ծնողների կեղծ աստուածալաշու-

թիւնը, տեսնելով թէ ինչպէս նրանք բարեպաշտ և առաքինի են ձեանում ուրիշների տոաջ և բոլորովին այլ պատկեր են ստանում իրանց տանը և ընտանիքի մէջ, տեսնելով թէ ինչպէս նրանք ինչ որ աղօթքի ժամանակ խոստանում են, կեանքի մէջ ուրանում ու զանց են առնում. այն ինչ որ նրանք ուրիշների կեանքի և գործերի մէջ դատապարտում են, հէնց իրանք են առանց խղճահարուելու գործում, մի այդպիսի ծնողի զուակը լաւ հասկանում է իր ծնողի կեղծ բարեպաշտութիւնը և ինքն հօրիցն էլ մի քայլ առաջ է գնում, դառնալով պարզ անհաւատ և կատարվում է Աստուածոյ խօսքը որ ասում է, «հայրերը աղոխ են կերել և որդկերանց ատամները սառել են»: Իսկ սրբա հակառակ եթէ մի տան մէջ ճշմարդի բարեպաշտութիւն լինի, եթէ սէրը, քաղցրութիւնը, համբերութիւնը և խոնարհութիւնը իշխէ, մի այդպիսի ընտանիքի զաւակներն ես աչք բացելով և քրիստոնէական առաքինութիւնների մէջ մեծանալով միևնոյն բարի սերմի հատիկները կընդունեն իրանց սրախ մէջ, որոնք նրանցում կ'ըմեծանան և յաւիտենական հնձի համար կը հասունանան: Բայց որտեղից կարող է մի մանուկ այդ բարի սերմերը իր սրախ մէջ ընդունել, քանի որ ծնողներից աղօթքի, օրհնութեան և փառաբանութեան փոխարէն անէծք ու հայնոյանք է լսում, սիրոյ և քաղցրութեան փոխարէն միայն թշնամութիւն, ատելութիւն և նոյնանձ, համբերութեան փոխարէն՝ բարկութիւն, խոնարհութեան փոխարէն անբարտաւանութիւն, աստուածալաշութեան փոխարէն մամնայապաշտութիւն և վերջապէս բաւականութեան փոխարէն ապահութիւն: Այդ գէպքում ծնողները ոչ միայն իրանք իրանց համար են զատապարզութեան հունդ պատրաստում, այլ անգիտակցաբար իրանց փոքրիկ զաւակների համար ես, որովհեաի «Աստուած ծաղը չի լինի», ինչ որ մարդս սերմէ, այն էլ կ'հնձէ»:

Մեր կեանքի մէջ շատ ժամանակ մեղքին հետեւում է իր պատիժը, շատ անդամ այնքան պարզ և շօշափելի կերպով,

որ ամեն մէկը կարող է ասել՝ սա այս ինչ մեղքի հետեանքն է, նա այն ինչ յանցանքի: Բայց եթէ շատ անդամ էլ մեզ համար շատ մեղքերի հետեանքը և պատիժը ծածկուած էլ մնալու լինի, սակայն և այնպէս յաւիտենականութեան մէջ ամենքի համար սլարդ և յայտնի պիտի լինի, որովհետեւ Աստուած չի ծաղրուիլ. նա թոյլ չի տայ, որ մարդը ամեն քայլում ուսնակոխ անէ իր Սուրբ պատւէրները և անպատիծ մնայ:

Շատերը հանգստացնում են իրանց, ասելով՝ Աստուած ողորմած է, նա այնքան էլ խիստ չի դատիլ: Հէնց այդ սխալ գաղափարը Աստուածոյ ողորմութեան մասին ուզում է հերքել առաքեալը ասելով՝ «Մի խարսիք. Աստուած չի ծաղրուիլ: Ինչ որ մարդ սերմէ, այն էլ կը ճնձէ. իր մարմիկ մէջ սերմողը մարմնիցն ապականութիւն կ'ինձէ և Հոգոյ մէջ սերմողը, Հոգուցն յաւիտենական կեանք կ'ինձէ»: Սա հաստատ է և ճշմարիտ. այդ խօսքերից մի կէտ անդամ չէ կարելի փոխել: Եւ քանի որ այդպէս է, ուստի մեղ չ'պիտի գաղար և հանգստութիւն տայ հետեւեալ հարցը, ինչ հունձ է սպասում մեզ, ինչ ենք սերմել մինչեւ այսօր, ինչ ենք սերմում ամեն օր նորից:

Կարող ես, սիրելի ընթերցող, ճշմարտապէս ասել, որ քո կեանքդ սկզբից մինչեւ այժմ՝ միմիայն Հոգոյ մէջ սերմելն է եղել, Յիսուս Քրիստոսում և նրա կեանքի և խօսքի համեմատ: Երանի թէ այդ հարցը այսօր և միշտ ծանրանար մեր սրտերի վրայ և մեղ հանգստութիւն չ'տար, որպէսզի ճշմարիտ ապաշխարութեամբ դիմէինք Նրան, որը միայն կարող է մեր տարակուսանքը հնձի մասին փարատել և երկիւղը երջանիկ յուսոյ փոխել, որովհետեւ կայ մի Ազատիչ և Փրկիչ մեղքից և դատապարտութիւնից. կայ Մէկը, որը դժոխքի համար հասունացած մեղաւորին կարող է արդարացնել և երկնքի ժառանգը դարձնել: Այդ միակ Ազատիչը և Փրկիչը Յիսուս Քրիստոսն է: «Եւ էլ ուրիշ ոչ մէկով փրկութիւն չկայ, որովհետեւ ուրիշ անուն էլ չկայ երկնքի մարդկանց

տրուած, որով կարելի լինի մեզ փրկուել»: Յիսուսն է միայն, որը կարող է ազատել մարդուն մեղաց ծառայութիւնից և նրան հետեւող պատժից. Նա է միայն, որ անպառուղ դաշտը կարող է պարարտացնել և պաղատու դարձնել. Նա է միայն, որ կարող է պարզենել այն՝ ինչ որ հոգու մէջ սերմելու համար հարկաւոր է. Նա է միայն որ կարող է մեր մէջ վերջ դնել հին կեանքին և նրա բոլոր ապերջանիկ հետեւանքներին և մի նոր կեանք առաջ բերել իր երջանիկ հետեւանքներով: Այդպէս է վարփում նա ամեն մի մեղաւորի հետ, որ սրտանց ապաշխարում է և ճշմարտապէս դէպի նրան գտնուում: Հէնց այդ պատճառով էլ նա իրեկ ազնիւ ցորենի սերմը երկրիս վրա է ընկել և մեռել, որ իր մահուամբ և յարութեամբ նոր սերմ և նոր հունձ առաջ բերէ ամբողջ մեղաւոր մարդկութեան համար: Ոչ մի որոշում, ոչ մի ջանք, ոչ մի գործ մեր սեպհական զօրութեամբ և բանականութեամբ չէ կարող մինչեւ անդամ չարութեան ամենափոքրիկ սերմն մեր մէջ ոչնչացնել կամ մի որեէ բարի սերմ առաջ բերել յաւիտենական կեանքի հնձի համար, միմիայն Յիսուսն է որ կարող է հեռացնել և փչացնել դուրս ձգելու արժանին և սերմել ու աճեցնել այն, ինչ որ հարկաւոր է հնձի համար: Հաւատոյ ձեռներով ամուր բռնիր այդ Յիսուսին, նրանից իննզրիր և ստացիր ամենը որ միշտ նրա մէջն է և դու կարող ես Հոգոյ մէջ սերմել և Հոգուցն յաւիտենական կեանք ստանալ: Յիսուս ասում է. «Նա որ ինձանում է մնում և ես նորանում, նա շատ պտուղ է բերում, որովհետեւ առանց ինձ չէք կարող ոչինչ անել»:

Ով որ Յիսուս Քրիստոսի հետ ճշմարիտ յարակցութեան մէջ է և նրանում է ապրում, նա առատ պտուղներ է տալիս. իսկ եթէ քեզանում, սիրելի ընթերցող, պտուղ չէ երեւում, իզուր քեզ մի խարիլ քրիստոնէական երեսյթով և շրթունքի աստուծպաշտութեամբ: «Հոգոյ պտուղները, ասում է առաքեալը գաղատացիներին. սէր, ուրախութիւն, երկայնմտութիւն, քաղցրութիւն, հաւատ, հեղութիւն և

Ժուժկալութիւն է»։ Այդպիսի պտուղներով զարգարած կեանքը օրհնութիւն է իր հետ որ և է առնչութիւն ունեցողների համար, բայց առաւելապէս մարդուս իրան համար։ Առաքեալը ասում է, «Հոգոյ պտուղը ուրախութիւն է»։ Հոգոյ մէջ սերմողը ուրախութիւն է ունենում տեսնելով՝ որ իր կեանքը դատարկ և աննպատակ չէ անցնում, որ Աստուած իրանով փառաւորվում է և սիրով ու քաղցրութեամբ է նայում իրան։

Մնացիր, սիրելի ընթերցող, Յիսուս Քրիստոսում և գու արդէն երկրիս վրայ անսահման ուրախութիւն կ'ունենաս. իսկ եթէ Յիսուսում չես մնալ, Հոգոյ պտուղների փոխարէն մարմնոյ պտուղներ կ'ունենաս, այսինքն՝ մահ և դատապարտութիւն. կ'զայ ժամանակ, երբ ամեն բան երկրիս վրա կ'անցնի և փոշի կ'դառնայ և այն բոլոր բարիքները և հրապուրիչ բաները, որոնք քեզ այժմ այնպէս գրաւում և յափշտակում են, ամենը յաւիտականութեան դիմաց իրու ոչինչ կ'երևան և գու ցաւելով կ'տեսնես, որ քո մարմնիդ վրայ սերմածը, մարմնիդ հետ միասին անցաւ, գնաց ու անհետացաւ, գու մնացիր խեղճ, թշուառ, ողորմելի և դատապարդութեան արժանի կպնդնած Աստուծոյ անեղ ատեանի առաջ։

Աստուած պահէ մեզ այդպիսի սարսափելի վիճակից, Նա ինքն տայ մեզ կարողութիւն և զօրութիւն իր կամաց պէս ապրելու, որպէս զի յաւիտենականութեան մէջ յաւիտենական կեանք և երջանկութիւն հնձենք։

Սովորեցրու ինձ ջանալ
Քո սուրբ կամքը կատարել,
Այնպէս գործել, խօսալ,
Որ առջեղ կարեմ կանգնել.
Երբ ցաւեր ինձ վրայ գան
Եւ ինձ ցած տապալեն,
Եղիր դու իմ պաշտպան,
Որ ես կանգնեմ նորեն։

ԱՌ թէ ամենայն ժամ
Մարդկանց հետապրեմսիրով,
Թընամի, բարեկամ
Միշտ անխտիր սիրով,
Թէ տաս ինձ կեանք երկար,
Եւ մազերս ձերմակին.
Տէր, թող մեղք և աշխարհ
Զը խոցեն իմ հոգին։ Ամէն։




H4-13

2133



0000





~~H~~ Apm.
H 4-131a